

懷安縣志材料

20130.245

42 冊

1128

疆域部分上

沿革 經緯度

四界八到 幅員

形勢 名勝

古蹟



懷安縣志材料

疆域部分

懷之疆域，在漢初屬上谷郡。武帝時曾設夸與，乃為今縣胚胎。自唐穆宗長慶二年，置懷安縣，屬新州。邑之得名，自此始焉。惟自東晉以迄元末，迭遭淪沒，廢置益繁。中間或為縣，或為鎮，瞬息萬變，大有飄搖不定之勢。溯及當年，心甚慘然。及朱明光復，置懷安衛於廢縣之西，其西陽河，柴溝堡，左衛，猶歸西路叅將範圍，未入治內。迨清康熙三十二年，改衛為縣，并西柴左三鎮付之；屬宣府，隸直省。縣之區域與位置，始穩定焉。至民國十七年，中華革命，北伐成功，廢區改省，即以口北道原轄十縣，與察屬口外六縣，劃組一察公爾行省。懷安至是又脫離河北，轉入察籍矣。

志沿革

禹貢 冀州之域

商 屬冀州

周 屬幽州 赧王時燕置上谷郡築長城

秦 始皇二十六年分天下為三十六郡屬上谷郡

漢 初上谷郡 武帝元封元年為夸與縣屬幽州部

考宣鎮志元封元年分天下為十三郡更郡守為太守其屬縣治以今上谷郡屬幽州部領縣十五一曰夸與註夸與今懷安衛按此置縣之始

後漢 光武建武十五年復屬上谷郡縣尋省

獻帝建安十八年省幽并二州歸冀州 三十五年魏丕篡漢復置幽并二州是時府地屬幽州縣地沒於匈奴



晉

武帝太康元年分上谷地置廣寧郡

成帝咸康四年沒於後趙石勒

穆帝永和六年沒於燕慕容儁

帝奕太和五年沒於秦苻堅

孝武太元元年沒於後燕慕容垂 二十一年沒於魏拓拔珪

宋

順帝昇明三年元魏合上谷廣寧為東燕州改其縣下落曰文德

按宣鎮志下落今鎮城 遼史地理志文德縣本漢女祈縣地元魏置 唐為武州

遼屬歸化州高勳鎮 燕奏分文德縣地置懷安縣

陳

武帝永定二年北齊改東燕州為北燕州

唐

太宗貞觀八年改北燕為媯州其武州西沒於突厥者咸取之屬河北道

是時縣廢為懷荒鎮

按遼史地理志懷安縣本漢夸輿縣地歷魏至隋為突厥所據 唐克頡利縣遂廢為懷荒鎮

玄宗天寶二載改媯州為媯川郡山後諸縣屬之其武州仍領縣文德

穆宗長慶二年置為懷安縣屬新州

考宣鎮志長慶二年改媯川郡仍為媯州領縣一懷戎 改涿鹿為新州領縣四 永興磐山龍門懷安按此懷邑得名之始

武宗會昌年置山北八軍 新州曰武定軍縣屬之

後唐莊宗同光二年改武定軍為威塞軍

潞王清泰三年晉石敬瑭割山後諸州賂契丹契丹建國號曰遼是時縣地入

遼屬奉聖州尋改屬大同府隸西京道

宋

真宗祥符七年契丹分歸化地置德州(今左)領縣四(一懷安(即今)一威寧(今在衛)

按遼史歸化州本唐之武州遼改名歸化州領縣文德後分文德地置懷安縣屬奉聖州尋改縣屬大同府其德州唐會昌中以西德店置 遼開泰八年以漢戶復置領縣宣德故漢桐過縣地

徽宗宣和四年金陷契丹舊武新媯等州以其地來歸 六年復陷於金仍屬西京路

孝宗乾道三年金改歸化州為宣化州復更為宣德州有德州以所屬縣屬之

按宣德即今宣化縣舊為文德即漢下落縣故地金大定二十九年更名

光宗紹熙三年金置撫州尋升為鎮寧軍

理宗景定元年陞撫州為隆興府割宣德之懷安等縣屬之

元

初屬宣德州 中統三年改屬興和路

明

洪武二年取興和路三年宣德諸郡縣皆平徙其民於居庸關改宣德曰宣府

縣廢 二十六年置懷安衛於懷安廢縣之西二十里(即今縣治)以北平都指揮使司領之

永樂十六年革北平都指揮使司 衛隸京師

宣德五年置萬全都指揮使司以懷安諸衛所屬之 隸京師如故

正統三年宣府設巡撫都御史統轄關外之諸衛地方

成化十年置分守西路參將於柴溝堡以張家口萬全左衛膳房新河口屬

上西路 洗馬林柴溝堡西陽河懷安屬下西路

崇禎八年以上下西路並懷安南界之南山路隸分守道

清

順治八年以懷安衛屬萬全都司裁宣府巡撫及柴溝堡叅將等官

康熙四年改隸山西尋仍舊二十七年台臣條奏衛所歸併州縣部覆仍舊存留三十二年改懷安衛為懷安縣併左衛柴溝堡以西陽河附之屬宣化府隸直省保定布政使司

道光二年改萬全驛丞設巡檢駐柴溝堡

中華民國二年中央劃一行政官廳組織裁柴溝堡巡檢

並裁府設道，懷安改屬口北道縣界仍舊

民國十七年南北統一遷國都於南京改北京為北平易直隸省為河北進察區為行省即以口北道所屬十縣與察區原轄張北多倫沽源康保寶昌商都六縣合組一察哈爾省懷安縣屬之定為三等縣

經緯度

懷安縣位於察哈爾省之西南部，居外邊牆之內，全境經緯度，東起東經一百一十四度四十二分，西迄東經一百一十四度八分，南起北緯四十度九分，北迄北緯四十度五十分。

四界八到

本縣區域，歷代不同，自清康熙三十二年改衛為縣，始行劃定，相沿至今，其清代以前，歷朝伸縮之沿革，另詳沿革志，此不贅，茲僅就現在區域之四界八到，分述於左：

北界萬全縣境，距縣城九十里之得勝堡與之接壤。

南界陽原縣境，距縣城四十五之馮奈莊與之接壤。

東界宣化縣境，距縣城八十里之太平寨與之接壤。

西界山西省天鎮縣境，距縣城三十里之松兒嶺與之接壤。

東北界萬全宣化兩縣境，距縣城八十里之許家莊與之接壤。

東南界宣化縣境，距縣城三十里之北口堡與之接壤。

西北界張北及綏遠省興和縣境，距縣城一百里之馬市口與興和接壤。

西南界陽原縣及山西省天鎮縣境，距縣城五十五里之馬家溝與之接壤。

幅員

本縣全境面積九千五百方里，東西廣一百一十里，南北袤一百三十五里，周圍約共長五百九十里。

懷安縣介于宣大之間，外毗邊塞，內屏幽燕，羣山糾繞，地極險要，漢唐以來，或屬中國，或淪異族，早為兵家所重視。迨至朱明，尤為敵衝，警屢至焉。成化十年，置分守西路參將於柴溝堡，以張家口萬全左衛膳房新河口屬上西路，洗馬林柴溝堡西陽河懷安屬下西路。現張家口萬全膳房新河口洗馬林等處，已屬萬全縣。而左衛柴溝堡西陽河并歸懷安，其扼要更甚於前。蓋西陽河柴溝堡左衛，在明時當西北之要衝，為東北之屏障，李信屯居懷安天鎮之交，尤為宣大咽喉，故舊志云李信屯以一旅當之首尾咸應，不惟止遏北兵，亦可潛消意外。如李信屯失，懷柴不保，宣大隨危，而居庸震驚矣。此懷安縣在昔形勢之衝要，而謂為燕京鎖鑰者，良有以也。自清入關，蒙古內向邊塞晏然，然對李信屯西陽河左衛柴溝等地，仍未輕視，設官屯兵，嚴如前代，其要害可知。今者五族一家，固無防禦之必要，然以安不忘危，既具天然形勢，又有古人控制遺蹟可尋，詎可任其湮沒乎。爰述古今形勢變遷之大畧分志於下：

懷安在明代之形勢

古代戰術，純用人力，故每依山河為險要，懷安縣境，萬山叢列，又居洋河上游，古昔稱為要地。迨至朱明光復中原，雖已統一，而元裔盤踞蒙古，猶不時南下，懷安既通邊地，適成內地門戶，故屯兵設將，不遺餘力。在當時以縣之西陽河李信屯柴溝堡為尤要，而左衛渡口

堡次之。緣西陽河位於縣之西北。為通興和大道。山峯聳蔽於北。洋河臨灌於東。依山傍河。攻守自易。李信屯位縣之西。兩山夾峙。山盡處紫輿大同接壤。屯兵一旅。敵不敢東。故視為宣化咽喉焉。柴溝堡據東西南洋河之會合處。三面環山。西可控制西陽河。援應李信屯。東向又能回顧左衛之急。實為西路之中樞也。至渡口堡介柴溝堡西陽河之間。背山面河。聲息相通。在軍事上亦占重要之地勢也。左衛居洋河南岸。與張家口新河口相望。東可屏蔽宣化。北可援應張新兩口。亦屬扼要重鎮矣。此為懷安在明代時之形勢大畧也。

在清代之形勢

滿清入關。蒙古內附。本縣形勢。隨之大變。向之視為邊疆重地。今又無設防之要矣。柴溝堡西陽河左衛三鎮。雖仍設官駐兵。然不若前朝之汲汲也。山川仍舊。而形勢已隨政治轉移矣。蓋在清時其重心又轉至縣城。考本縣治城扼據紅塘水溝。兩山延夾。一水中流。向為燕晉孔道。足以控制東西。觀庚子之亂。清帝遷西。即取道於此。足徵懷城形勢之一斑矣。

在民元後之形勢

自平綏鐵路成。而本縣形勢又為一變。自該路經過柴溝堡後。向之燕晉孔道。一變而經柴溝堡矣。蓋此地既踞天險。兼有鐵路之便。其形勢重要更倍於昔。非但管鑰燕晉。並可噤吭張綏。軍事家又視為重地。故民元以後。國晉之戰。晉奉之戰。每屯重兵於此。

最近之形勢

自北伐告成，國都南遷而後，防海重於防陸，西北較緩東南，且五族一家，邊境化為腹地，懷安無論如何險要固無形勢之可言矣。然蘇俄虎視於北，而外蒙狡焉思逞，日本雄據於東，而叛逆意圖不軌，外患日亟，國防豈容遽緩？雖云戰器進步，天險失憑，然空戰猶如陸戰，有領土始有領空，為將來屏障內地，鞏固國防計，本縣形勢又如前明之衝要矣。今日者柴溝堡固是要衝，而左衛鎮亦未可輕視，蓋古者寇在西北，故以李信屯西陽河為重地，今則患在東北，左衛實適當其衝矣。

名勝

名山勝境，何地蔑有。苟非其時，不遇其人，以發揚而光大之。雖有泰山，不知其高；即有桃源，又安知其別有洞天耶！懷安地接邊城，元明以前，戎馬瀕遭，居斯土者，或戰或守，疲於奔命，縱有崇山峻嶺，奚暇携酒扶筇，坐享山林之樂乎？元明而後，胡越一家，偃武修文，地方稍見承平。凡屬聞人達士，向有烟霞癖性者，每於燕閒退食之餘，乘興尋芳問津，登山越嶺，作竟日之遊。或於石壁題詩，或向洞前留記，地以人傳，遂成一邑之名勝焉。茲將本縣名勝位置方向分述於左：

虎窩夏冰：縣城西南三十里，有虎窩山，林木叢蔭，中有古剎，即虎窩寺，考為漢壽峯山之舊址也。所以改稱今名者，相傳自石敬瑭將山後諸州，割賂契丹後，縣歸遼有，有虎入山，負隅而居，迨明成化丙午年，有遊僧德玉者，不知何所聞而來，乃立虎前曰：余欲卓錫於此，盍相讓？虎據如故。又曰否即食我，虎復如故。玉乃至前澗沐浴畢，復趨虎前曰：余身淨可食，否則讓地宜亟。虎方垂首靡牙而去。玉始結菴以居，而寺遂得今名。事雖似涉荒誕，然以父老相傳，舊志又載，或亦有因。距寺之西南，行數百武，在山之陰，有洞一，每屆立冬後，則洞暖如蒸，遠望如倒懸匹練，經邑人張太史士範題有一額，曰雪竇回春。寺東北數百武之山麓，又有一洞，洞內巖乳涓涓，入夏凝凍，狀若串珠，復題一額，曰冰天傲暑。為本縣八景之一。在昔聞人達宦，時往遊覽，近以荏苒不靖，人咸歛跡焉。自民國十三年因樺林與天鎮發生經界訴訟，

連同黑龍溝樺樹，一併劃為本縣學校第一公有林，歸教育局管理矣。

花山鋪錦：距縣城之西北三十里，平綏鐵路線西灣站附近，有龍洞山焉。地多花草，春夏之交，幽芳競發，綠綺紅嫣，宛若天孫雲錦。山上有龍池。又有譚總額副廟一，相傳二公防守斯土時，境內亢旱，苗將槁矣，二公慨然代民禱雨，袒臂赤足，自加刑具，親赴龍池取水，卒以精誠感格，雨澤霑足，全活生命無算。解職後，邑人為之建廟於斯，以資紀念。再上龍神奶奶等廟，距廟西南數百武，有怪石一，上有馬蹄蹄痕，俗傳為王靈官飲馬遺跡，今雖無考，然蹄跡依然存在，頗引起騷人不少之題詠焉。

神石生雲：縣城西南三十里之雲頭山，奇峯聳秀，一抹空青，山雨欲來，映雲乍起，遠望縷縷如絲，天風一噓，瀟漫豁谷，朱家圖畫，未能彷彿其一二也。

洞天煉藥：縣城西南雲頭山之陽，有斑石洞一，窈然而深，中通天竅，雲容隱見，花藥紛披，旁有石床爐具，相傳唐時呂仙，曾煉丹於此。

碧潭映月：縣城西七里，有一小湖，俗稱油房潭，潭水澄清，鬚眉可鑑，新秋月落波中，上下天光，一碧千頃，饒有瀛壺氣象。潭之週，森林密茂，自民國十三年劃為學校第二公有林，歸教育局管理矣。

斑石長春：縣城正北十里，榜梳山，青如刷眉，綠猶點黛，石紋錯繡，疑竹疑松，雖經四時霜蘚，其色益以斑斕，歷任邑宰，登臨斯山，多採琢成器，備供賞玩云。

溫泉冬沸：泉在柴溝堡北，春夏溫度如常，入冬暖氣氤氳，儼若
鐵底之湯矣。

古壘呈奇：縣城東二十里舊懷安村，舊縣城也。其廢壘遺闈，相
傳常有雲氣籠護其間，每當昧爽，晴霞未升，行道者時時見之，
侈為奇觀云。

古蹟

歷代之盛衰興亡，得之於史冊典籍者固多，然往往於廢壘遺闈，斷碑殘碣之中，亦足以考據當年滄桑陵谷之情，以補正史之不及焉。懷安自唐設縣，至石敬瑭割賂契丹後，歷宋元明，其間荒廢繁榮，種種變遷，惟九通一書，可資考証。此外則多傳自父老，非涉荒唐，即類神話，不堪盡信也。惟古蹟尚屬信而有徵。好古者倘依是而淵源追溯，不惟無穿鑿之弊，且得於歷史地理上解決無限之闕疑云。爰將舊志古蹟姑存，以供參考焉。

懷安故城：縣東二十里之舊懷安村，稍偏西北，有廢壘焉。考為唐時舊縣遺趾，今猶存。

九王城：在左衛城東北五里。相傳為遼築。遺趾今畧存。九王不可考。又去里許，有九王墓。

馬城故城：在縣北。幾輔通志，漢置縣，晉廢。水經注，修水東南逕馬城縣故城北。十三州志曰：馬城在高柳東二百四十里。

宣平故城：在縣東北，幾輔通志，金置縣，元屬宣德府，明廢。幾輔舊志，元移治辛南莊，明洪武初縣廢。二十六年改置萬全左衛，故城在衛西十里。宣鎮志，今鎮城七十里，明熊偉有宣平晚照詩。

罡城：在縣東北，水經注於延水車逕罡城南。按史記蔡澤燕人，謝病歸，相秦，號罡城君，疑即此邑。俗名武罡城。

威寧縣城：按金置威寧縣，在今懷安縣東北。宣鎮志，金承安中

城之。初屬宣德府，後屬興隆路。今廢。

陽門廢縣：在縣北。金置元廢。金史地理志，弘州鎮陽門，貞佑二年升為縣。宣鎮志：今鎮城西百二十里。後魏聖武田於田澤，神女自降之。會後期一歲復至，生一男，即神元留之上并而去，即此處。達為鎮，金貞祐初城焉。元廢。

建勳樓：在萬全左衛城中崇台上。明成化十年建。

託臺亭：在縣西南。託台水南。其東又有馬頭亭。

李晉王寨：在左衛城南十里，地名九龍岡。相傳後唐李存勗北討契丹，駐驛於此。今壘畧存。

得勝嶺：在左衛城南十里紅桃溝之陽。俗傳楊六郎與遼人戰於此勝之。嶺因得名。按宋楊彥昭，真宗時知保安州，邊人呼為六郎。州之棒槌峪，舊有六郎城，疑此亦其遺跡歟。

孤山：在縣屬張家窰堡南，上有馬蹄痕，相傳為楊六郎養馬處。

假糧堆：多在縣城東。相傳蕭后用兵時，以葦席苫堆，假充軍糧。西至天鎮，皆有遺跡。清道光年，人竊發之，見有銅鐵器具，鄉保報官掩之。民國十九年縣城東南四里許，向有土壇四，俗呼四疔痘坡。有獵人捕野獾，無意中見一壇旁陷一穴，獲一古鼎逸去。未閱月，又一壇被掘，得有何品未悉。當時人士，正值醉心古物之秋，但知考古，不計其他，遂同官竟將未掘二壇，并發之，尋得銅器漆盒等物。另有七分建方銅質圖章一，篆曰五慶克印，保存文獻委員會，惟俟考古家詳

加研考，究屬何代人物云。

透靈碑：縣城西街昭化寺內有古碑一，明正統十年立，高達二丈，負以巨龜，覆以龍額，碑質瑩潔，光可鑑形，俗呼為透靈碑。

彩石：縣城東北山官廟正殿下，砌石一方，積約五尺，五彩花紋，燦若堆錦，天將欲雨，石面水珠密布，拭視之，則院內花木，相映顯然。

舊泮橋：縣屬左衛鎮東南街，為養正書院舊址。數十年前發現泮橋一座，彫工雖已殘缺，橋形宛然。嗣因洪水入鎮，橋之全部，淹沒無餘，現為居民闢田耕種云。



懷安縣志材料

北 523.26
130.205
424
12



疆域部分(中)
山 水
城 質 村
池 官 莊
署
學校

山脈高度

山

峯

